

台州外書卷八

郡人戚學標鶴泉輯

男寶寧長川校字

武備畧

松海總 明洪武時倭寇湯信國訪備倭策於方明謙明謙請海上量地遠近置衛所陸聚步兵水具戰艦使倭不得附岸近海民四丁籍一以為軍戍可不煩兵今沿海等城皆信國督建而明謙所營度凡松門海門二衛立把總一員其分守台金巖叅將即此總所轄之地也

水路中州港 南往茅偃山與蒲岐港接境北往海中

台州外書

卷八

武備

一

邳山與靈門港接境此處有兵船巡哨更設八槩小船以搜玉環諸山之穴則善矣

靈門港 東接海中雞臍山與松門港接境南接楚門洋坑下接硎礁山原無兵船之設嘉靖壬子等歲賊犯江縉犯後灣始議立戰艦已未賊犯靈門跳頭從腹內流突沿嶺江竊舟遁海將前船掣守東門又以單柔不足防禦併人松門港大鯨哨守松門去此密邇可以徑顧但當專貴松門水兵而專哨船之號令

耳中州靈門等港今改隸玉環海道形勢彼此聯絡舊時規制如此

松門港 東為島米門外積穀山及下洋大陳等處

久卽大海直抵日本北往化嶼龍王堂鯉港橫門大
潭深門等處與新河三汊港接境南往雞臍弔桶硯
礁鹿頭片嶼驪洋邳山等處與靈門接境隘頑居其
南如隘頑有賊此港之船直搗其艖隘頑緩急此港
之責也海內碎山極多如賊自温州來此爲匯嘴捷
徑竟抵城下若自外國來止過大陳邳山大鹿登岸
皆爲賊巢甚難防守港內紆回屈曲難以捍賊必出
大陳迎戰海中乃得

新河港 港淺口狹不必舟師防守止陸備舊設橋關
不過小松木二三十株於半港中無險可恃左右兩

岸其平如掌豈能爲坦港之輕重哉

海門港 一名椒江台黃之咽喉也與寧波定海關不
同定海水港旣狹港外舟山長塗馬嶼金塘遠近皆
可泊船分哨海外復有舟山二所是以港口可守海
門一潮之遠止有三山一座形小直尖並無港次四
望汪洋兵船內以則不可禦敵欲出外洋無山嶼可
抱風浪洶洶倭犯台率由此明初設備倭都司一
員駐守其重可矣嗣後漸失經理雖有舊設兵船二
百餘艘尙不能沮其黃岩之入而新造之船又分其
半於松門守禦益單賊一入則其舟西去台州隨潮

僅九十里陸路之兵隔渡阻山無由追躡必由黃岩
遠抄勢不相及故全賴水兵阻截港外不可以不多
設也

桃渚港 議者謂離海門近易策應戰艦不必設不知
海門所由裏路至桃渚止四十里形似弓弦若由海
中轉達聖塘而下必出大洋其程兩日不似桃渚至
長沙巡司一帶亂山叢砌羣峯散走或出或入縈紆
紛峙海邊淺潮之中直深出大海極爲綿遠而桃渚
所北往健跳一帶如鹽塘除下仙岩處處海灣突進
其健跳之舟止能北禦昌國海郵一帶桃渚之外接

大海總港亦當設船一艘如健跳之數

健跳港 原設長洛一渡逼近東所城側渡濶四百餘
丈出海直往茅頭大洋上接海中查盤山與練陀等
處下接海中青嶼黃毛礮與牛頭桃渚地方接境此
處宜設兵船一艘必得福滄海滄二十餘艘方可守
禦 台州海港不出此數港春汛之期當以松海二
港合爲一大艘在大陳洋輿伏截以爲南艘桃渚添
船與健跳等亦令外合外洋以爲北艘南艘海門必
當留守而松門可盡發北艘健跳須守港之兵而桃
渚可盡發

陸路楚門所 賊犯楚門必屯雞臍山下其心戀船不
過二三日既還而走如往隘頑則歷所城藤嶺慢遊
嶺料我兵阻之不得已方棄船陸行也其往三山大
荆出温州徑由水中對過蒲岐港南隔一小港爲玉
環山周百里乃賊往來泊船之藪對岸則温州蒲岐
所又由西北至太平江下謂之東門港沿山濱海而
行又十五里乃南灣地方高山環海舊戰場也舊賊
踞萬仞山腰進兵之路皆鳥道魚貫兵家忌之

隘頑所 北爲太平之障可以阻楚門之寇城外東北
山下長沙面水民居番船可泊若棄船登突決由藤

嶺內外皆可至温州地方賊屯聚藤嶺則太平路阻
而松門之兵又有慢遊之隔可以高枕久住楚門在
其南非駐兵之地決不能北援所賴只有松門港兵
船抵城下賊若有船在水定可逐之若在陸水兵無
用但哨船遠瞭兵船急出過隘頑之南大海中截之
萬一疎虞而致賊犯城斷乎難守其若靈門關有賊
我兵統入城內從容而出亦可應援過大嶺皆夾山
而行路徑甚艱譬兩鼠關於穴中勇者勝耳至賊流
走當星夜先馳至江下預處戰地設伏以待若尾而
追之則無及矣

松門衛 海防重地若止馴兵城內而賊由西來則我兵匏繫諸處難顧若城內未嘗駐兵而賊據松門寨爲巢以一枝勁兵守北門山麓下則我兵無路可援故城內城外皆當防守有警則遣八由泥塗用馬報約城內之兵刻期以一枝由新河一枝由隘頑海邊進戰城內應之其由隘頑而來多水窟難行必由北裏山會合新河一帶雨則潦不可涉旱則可進大兵沿塗皆硬沙實土有潮不可行無潮可列堂堂之陣宋時有松門寨額兵二百二十七名巡司統之明始因備倭置衛設指揮四員指揮同知三員鎮撫一員

分左右中前後五所隘頑楚門兩所並屬焉旗軍統三千一百五十九名嗣後軍政廢弛逃亡故絕並缺不補見存僅五百三十八名遂任鄭寇出入莫之敢禦

新河所 適中之地三面俱可進援但北至海門皆田墜雨久則難行其藤嶺橫山頭敵所必由當設備以阻賊衝此帶沿海陸地四散賊出溫嶺少有阻卽由路橋繞出黃岩走溫州黃岩之賊決不由海門新河蓋知椒江有舟師新河有陸兵也 新河所屬海門衛而統隸於松海備倭把總嘉靖三十八年設台金

嚴叅將統陸兵四總水兵一枝駐劄府城前軍屯新河汛期分布要地兼顧松衛城池把總一員部領哨官五員計兵五百四十一名

海門衛 衛城當置於高嶺乃爲據險此實三台門戶水陸重鎮三面阻水賊舟可泊惟恃兵船爲命禦番舶於未登此守海門之上策也如賊在柵浦則水兵截於大港陸兵進勦一由海門近攻而於泉井路橋三山合力遠截亦捍禦之一術

前所 與海門對港形勢利害相同勦前所之賊多過江或由府治或下城門嶺往仙居出温州若在長沙

連盤一帶屯住連盤港深而長背山面水健跳桃渚二港會於此處可爲巢穴我兵須由裏路至隘口轉南出其巢後自山上攻下仍以一枝截住山頭庶不致爲賊抄

桃渚所 其城可守宜增濬築爲海門及府治之藩翰所城東有菖埠港與本港皆委曲大船難入若賊以小舟入而我之兵船不能進追則其去海門也甚近外海諸山皆可截賊設伏其他安聖寺可伏截以阻賊菖埠之衝白蓮嶺可伏截以阻賊後嶺之衝肯埠嶺盡頭可伏截以阻賊肯埠之衝若賊至東所棄城

而不之顧則必往府治自仙居走温州卽當馳赴府城以截之

健跳所 城三面阻山皆峻嶺東面山距海非兵船預伏探哨賊卒至難禦去桃渚一百里或烏道魚貫或潮濱梗陷或溪石坎坷非二日不能至進援非易東去昌國隔大洋彼處有賊當時時防禦去寧海去府治俱一百四十里路徑皆如桃渚緩急之際松海大兵必不猝達若徑過府治從寧海而入必由黃岩臨海相岩桑洲寧海竇畧計一日餘方到東所援兵至此賊必已遁海而別犯矣惟報至卽調海門兵船抵

所城東海山內設伏以邀擊之始不致悞

國朝營制郡志已

備茲備錄明制庶明於沿海戰守之形勢焉

附錄

鴛鴦陣 明戚繼光所制以破敵其法每陣十二人隊長前次夾盾次夾枝兵次四人夾矛次夾短兵節短數明器互相救賊畏之望風披靡當時號戚家兵花街長沙諸捷皆以此也

龐鱗 卽蒼山捕魚船之大者以其適用遂取爲兵船每船一隻捕盜一名舵工旋手繚手各一名甲長三名兵夫三十旗幟方色隨本哨船中自大佛郎機鳥

銃噴筒灰罐藥弩及一切鈎鏹斫刀攻禦之具皆備其船水面高不過五尺運掉便利可逼賊船若福船海滄二船高大惟利大洋無風難動設賊入裏海緩急難恃故備倭逐賊用此爲多蓋得中之制溫人謂之蒼山鐵臨海又有網梭船形如梭竹桅布帆僅容二三人遇風濤輒昇入山麓可哨探

大小汛 明季海患莫如日本諸州以百數其近西南者薩摩州爲最屢次入寇多由此州及肥後長門二州之人次則大隅筑前筑後以及豐前豐後和泉之人大抵商於薩摩而附行者自山城號令不行於諸

州而山口豐後出雲等專兵自恣後惟豐後獨強併有諸島剽掠出沒皆貧惡之人颺忽而起非有常尊定主也倭之來恒在清明之後前乎此則風候不常倭不利於海行屆期則東北風多而不變也過五月風自南來倭不利於行矣重陽後風亦有東北者過十月風自西北來亦非倭所利矣故防倭者以三四五月爲大汛九十月爲小汛蓋倭入寇必隨風所之東北風猛則由薩摩或五島至大小琉球以視風色之變遷北多則犯廣東東多則犯福建而柘林長樂等要害不可不守也若正東風起則必由五島歷天

堂官渡水而視風色之變遷東北多則至烏沙門分
鯨或過韭山海關門而犯温州或由舟山南而犯定
海象山犯台州而金塘石浦桃渚海門松門等要害
不可不守也正東風多則至李西嶽壁下陳錢分鯨
或由洋之南犯臨觀犯錢塘或由洋山之北犯青浦
太倉或過南沙而入大江而龍山赭山狼福等要害
不可不守也若在大洋而風忽東南則犯淮陽登萊
在五島洋而南風方猛且直趨遼陽天津矣沿海一
帶俱係要害而長樂海門狼福尤重海門即台境也
在明代爲德晉人以擊賊海中爲上策禦賊海港爲

中策又曰決勝於敵至之時不若預防於登岸之際
然水戰非易凡風潮之大小順逆收放之淺深利害
俱當究心有駐防之責者幸際 國家昇平河海清
晏要當念州境瀕海未雨綢繆留心於無事之日不
負 朝廷所以責任海疆也

安輿避風 海門松門蒼山嶽玉環皆上等安輿可避
四面颶風大陳鳳皇山南麂山霓嶽皆中等安輿可
避兩面颶風

按明洪武時用方明謙策於黃岩沿海築新河松門
隘頑等城備倭今皆在太平境濱海之地在太平十
之九在黃岩者十之一乃黃岩無洋面之處分而有
海疆之陞調太平無海疆之陞調而受洋面之處分

頃年海患俱太平當之黃岩晏如也舊制黃鎮駐海
門太協駐松門皆據要地得控禦之勢今鎮協並移
城內夫海絕遠又太協雖有兵八百餘專管陸路無
洋面之責常得高枕而海寇緝捕轉責之文官并典
史監獄之官亦分海上地段遇有失事俱文官當之
武官晏如也誠復舊制以黃鎮還駐海門太協仍在
松門俾控禦得地聲勢聯絡而太協本黃鎮水師所
轄無論寇在水面岸上責以緝捕一切處分寬文職
而嚴武弁則營伍自必加意操練習於捕海而水上
遊魂望風知畏矣至太平之應改海疆與否則非愚
下之所得而私議也温台寧三郡沿海事均一體據
所見黃太如是疑各處利害同之願當事者一籌及
耳

台州外書

卷八 武備

十

